

Naqqiut

Siunnersuut 11. august 2023-meersumut taarsiuut

(Inatsisitigut periutsit atorlugit misissorneqarnerata kingorna aamma kukkunersiuinikku naqqiisoqarpoq, kiisalu kingunerisaattut iluarsiisoqarluni. § 3, imm. 3-mi nr. 13 aamma 15, nassuaatini allattoqqareernikut, ilanngunneqarput. § 12-immi imm. 3, nassuaatini allattoqqareernikoq, ilanngunneqarpoq. §§ 11, 13, 14 aamma 15 atuaruminarsarneqarput. § 14 avinneqarpoq § 9-mut aamma § 15-imut nuunneqarluni. § 15-immi imm. 4, nassuaatini allattoqqareernikoq, ilanngunneqarpoq. § 30-mi imm. 4 ilanngunneqarpoq, tassanilu pillammik akiliutit arsaarinnissutilu, Nunap Karsianut akilerneqartassasut allaqqalluni.)

### Uunga siunnersuut:

#### **Kalaallit Nunaanni pasinapiluttumik kalerriisunik illersuineq pillugu Inatsisartut inatsisaat**

##### **Kapitali 1**

*Inatsisip atuuffia nassuaatillu*

**§ 1.** Inatsisartut inatsisaat inatsisinik mianernartunillu allanik unioqqutitsinerit pillugit nalunaaruteqarnernut atuuppoq, takukkilli imm. 2 aamma 3.

*Imm. 2.* Inatsisartut inatsisaat illersornermi sillimaniarnermilu pissutsit pillugit neqeroortitsinernut malittarisassanik unioqqutitsinernik nalunaaruteqarnernut atuutinngilaq.

*Imm. 3.* Inatsisartut inatsisaat ukunani aamma atuutinngilaq:

1) Paasissutissanut eqqartuussisoqarneq pillugu Kalaallit Nunaanni eqqartuussisarnermik inatsimmi § 81 naapertorlugu eqqartuussissuserisut nipangiusimasussaatitaanerannut.

2) Paasissutissanut napparsimasut inatsisitigut inissisimanerat pillugu Inatsisartut peqqussutaanni § 23 naapertorlugu peqqinmissaqarfimmi sulisut nipangiusimasussaatitaanerannut.

3) Eqqartuussivimi isumasioqatigiinnermi taasinermilu paasissutissanut nipangiusimasussaatitaanermut ilaasunut.

4) Pinerluttulerineq pillugu inatsimmi sulianut.

**§ 2.** Unioqqutitsinernik immikkoortuni aalajangersimasuni malittarisassat naapertorlugit nalunaarutit pillugit immikkut malittarisassat suli atuupput.

*Imm. 2.* Inatsimmi matumani malittarisassat pissuseq unioqqunneqarsinnaanngitsumik killilersorneqanngippat, malittarisassani taaneqartuni oqaaseqatigiinnut siullernut tapertaapput.

**§ 3.** Inatsisartut inatsisaanni matumani uku imatut paasineqassapput:

1) Unioqqutitsinerit: Iliuutsit iliuuseqannginnerilluunniit:

- a) annertuumik unioqqutitsinerullutik pissutsilluunniit mianernartuullutik, tak. § 1, imm. 1, imaluunniit
- b) Inatsisartut inatsisaata attuuffiani malittarisassani siunertanik unioqqutitsisinnaanngortitsisut, tak. 1, imm. 1.
- 2) Unioqqutitsinerit pillugit paasissutissat: Paasissutissat suulluunniit, tassunga ilanngullugit unioqqutitsisoqavinneranik unioqqutitsinerusinnaasunilluunniit pissutissaqartumik pasitsaassinerit, suliffimmi pasinapiluttumik kalerriisartup suliffigisaani suliffigisimasaanilluunniit, suliffimiluunniit allami sulinini aqqtigalugu pasinapiluttumik kalerriisartup attavigisaani pisut, unioqqutitsinernilu taamaattunik isertuussiniarnerit.
- 3) Nalunaaruteqarneq: Unioqqutitsinerit pillugit paasissutissanik oqaasiinnartigut allaganngorluguluunniit nalunaarutiginninneq.
- 4) Suliffigisami nalunaaruteqarneq: Suliffimmi namminersortumi pasinapiluttoqarneranik kalerriisoqarsinnaatitsinermi unioqqutitsinerit pillugit paasissutissanik oqaasiinnartigut allaganngorluguluunniit nalunaarutiginninneq.
- 5) Suliffigisap avataanut nalunaaruteqarneq: Unioqqutitsinernik pasinapiluttoqarneranik suliffigisap avataani kalerriisoqarsinnaatitsinermi Inatsisartut inatsisaannut matumunnga ilaasumut paasissutissanik oqaasiinnartigut allanngorluguluunniit nalunaaruteqarneq.
- 6) Tamanut saqqummiussineq: Unioqqutitsinerit pillugit paasissutissanik tamanut saqqummiussineq.
- 7) Pasinapiluttumik kalerriisoq: Inuk unioqqutitsinerit, pissutsilluunniit ilungersunartut allat pillugit paasissutissanik suliamik ingerlatsinermi atatillugu pissarsiarijisaminik nalunaarutiginnittooq.
- 8) Akunnermiliuttoq: Inuk pasinapiluttumik kalerriisup sulinermut atatillugu nalunaaruteqarnerani ikuisoq ikuineralu isertuunneqartariaqartoq.
- 9) Sulinermut atatillugu: Pisortani namminersorlutilu inuussutissarsiortuni maannakkut siusinnerusukkullu suliaqarneq, suliap suunera apeqquaatinngagu, inuit tessani unioqqutitsineq pillugit paasissutissanik pissarsillutik, inuillu taakku paasissutissat taamaattut nalunaarutigunikkit pillaatitut akiniarneqariaannaallutik.
- 10) Inuk attuumassuteqartoq: Inuk imaluunniit inatsisit tunngavigalugit inuttut isigineqartoq nalunaaruteqarnermi avammulluunniit saqqummiussinermi inuttut unioqqutitsisutut oqaatigineqartoq, inuulluunniit taaneqartup attaveqarfingisa.
- 11) Pillaatitut akiniitut: Sulinermut atatillugu toqqaannartumik toqqaannngitsumilluunniit iliuuseqarneq iliuuseqannginnerluunniit, suliffimmi namminermi avammulluunniit nalunaaruteqarnerup avammulluunniit saqqummiussinermi kingunerisaa pasinapiluttumik kalerriisumulluunniit pissutissaqanngitsumik ajoqtaalerteranik kinguneqarsinnaasoq.
- 12) Ingerlatitseqqinneaq: Nalunaarummik tigusaqartup oqartussalluunniit oqaatigineqartup eqortuuneranik nalilersuisussaatitaasup iliuusissaq aalajangigaa, unioqqutitsinerullu iliuuseqarfinginissaata pinngitsoortinnissaa naleqqulluni, tassunga ilanngullugu iliuuseqarnikkut, soorlu suliffimmi namminermi misissuineq, pinerluttoqarsimanersoq

paasiniaaneq, eqqartuussisutigoortumik sulissutigititsineq, aningaasat utertinneqarnissaannik eqqartuussivinnut suliassanngortitsineq sulialluunniit naammassineqarnera.

13) Akissuteqarneq: Ingerlatitseqqinnej pillugu taamatullu ingerlatitseqqinnermut tunngavilersuut pillugu pasinapiluttumik kalerriisumut nalunaaruteqarneq.

14) Pisortat ingerlatsinerat: Inatsisilerinerimi immikkoortut pisortat ingerlatsineranni suliassat suliarineqartarnerat pillugu inatsimmi § 1, imm. 1-imi ilaasut tamarmik. Pisortat ingerlatsineranni suliassat suliarineqartarnerat pillugu Inatsisartut inatsisaanni § 1, imm. 1-imi allaqqavoq, inatsit pisortat ingerlatsineranni immikkoortunut tamanut atututtoq.

Inatsisilerinerimi immikkoortut tamarmik taamaalillutik pisortat ingerlatsinerimi § 1, imm. 1-imut ilaasut, pisortat ingerlatsinerini aamma inatsit manna naapertorlugu ilaapput. Pisortat ingerlatsineranni Inatsisartut sulisoqarfiillu tassunga atasut aamma ilaapput. Naalagaaffiup Kalaallit Nunaanni oqartussaasui, eqqartuussiviit ilanngullugit, inatsimmi matumani ilaanngillat.

15) Namminersortut ingerlatsinerat: Inatsisilerinerimi immikkoortut pisortat ingerlatsineranni suliassat suliarineqartarnerat pillugu inatsimmi § 1, imm. 1-imi ilaanngitsut aamma Inatsisartut ataanni sulisoqarfiinilu tassunga atasuni imaluunniit Danmarkip naalagaaffiata sulisoqarfiini, tassunga ilanngullugit eqqartuussivinnut, ilaanngitsut tamarmik.

### *Isumaqtigiissummut tunngasut*

**§ 4.** Inatsisartut inatsisaat pasinapiluttumik kalerriisumut inunnnulluunniit attuumassuteqartunut ajoqutaasumik isumaqtigiissuteqarnikkut unioqqunneqarsinnaanngilaq.

## **Kapitali 2**

### *Pasinapiluttumik kalerriisunik illersuinermut illersuinerullu imarisaaanut piumasaqaatit*

**§ 5.** Inatsisartut inatsisaat pasinapiluttumik kalerriisumut imatut iliuuseqartumut atuuppoq:

1) Kapitali 3 naapertorlugu suliffimmi pasinapiluttoqarneranik kalerriisoqarsinnaatitsinermut nalunaaruteqarneq.

2) Kapitali 4 naapertorlugu avataani pasinapiluttoqarneranik kalerriisoqarsinnaatitsinermut nalunaaruteqarneq.

*Imm. 2.* Inatsisartut inatsisaat pasinapiluttumik kalerriisup tamanut saqqummiussinera imatut pisoqarnerani atuuppoq:

1) Pasinapiluttumik kalerriisoq tamanut saqqummiussisoq pasinapiluttumik kalerriisarnermut immikkoortortaqarfik piffissarititap § 12, imm. 2, nr. 3, aamma § 18, imm. 2, nr. 3-mi aalajangerneqartup iluani naleqquttumik nalunaaruteqarneq pillugu iliuuseqarsimatinngagu kapitalit 3 aamma 4 naapertorlugin siullermik suliffimmi tamanut saqqummiussisimappat toqqaannartumilluunniit tamanut saqqummiussisimappat.

- 2) Pasinapiluttumik kalerriisoq tamanut saqqummiussisoq unioqqutitsineq pisortat soqutigisaannik ajoqsiinissaa aarlerinaateqartoq ajoqutaavissasorluunniit tunngavissaqartumik isumaqarpat.
- 3) Pasinapiluttumik kalerriisoq tamanut saqqummiussisoq avataani pasinapiluttoqarneranik kalerriisoqarsinnaatitsinermut nalunaaruteqarnermi pillammik akiniaasoqariaannaasoq imaluunniit suliami unioqqutitsinerup sunniuteqartumik iliuuseqarfinginissaa ilimanarpianngitsoq tunngavissaqartumik isumaqarpat.

**§ 6.** Inatsisartut inatsisaatigut illersuineq taamaallaat paasissutissat nalunaarutigineqartut tamanulluunniit saqqummiunneqartut piffissami nalunaaruteqarfiusumi eqqortuunerannik pasinapiluttumik kalerriisoq tunngavissaqartumik ilimasussimappat paasissutissallu § 1, imm. 1 naapertorlugu Inatsisartut inatsisaata atuuffiata ataaniippata atuuppoq.

**§ 7.** Pasinapiluttumik kalerriisoq §§ 5 aamma 6-imi illersuinermik piumasaqaatinik eqqortitsippat, paasissutissanik pineqartunik nalunaaruteqarnermi tamanulluunniit saqqummiussinermi pissutsinik Inatsisartut inatsisaanni § 1, imm. 1-imi ilaasunik ersersitsinissap pisariaqarneranik pasinapiluttumik kalerriisoq tunngavissaqartumik ilimagisaqarsimanera piumasaralugu nipangiuussimasussaatitaanermik inatsisikkut aalajangerneqartumik sumiginnaasimasutut isigineqassanngilaq tamatumunngalu akisussaatinneqassanani.

*Imm. 2.* Pasinapiluttumik kalerriisoq §§ 5 aamma 6-imi illersuinissamik piumasaqaatinik eqqortitsisoq taamatut iliorneq immikkut pineqaatissiissutaasinnaasumik iliornerunngitsoq piumasaralugu paasissutissanik nalunaarutigineqartunik tamanulluunniit saqqummiunneqartunik pissarsisimaneranik akisussaatinneqanngilaq.

**§ 8.** Pasinapiluttumik kalerriisoq Inatsisartut inatsisaanni tamanna pillugu malittarisassat suliffimmi avataanullu nalunaaruteqarnerata avammulluunniit saqqummiinerata kinguneranik pillammik akiniarneqassanngilaq, tassunga ilanngullugit siorasaarneqassanngilaq pillammilluunniit akiniarniarneqassanani. Pasinapiluttumik kalerriisoq aamma nalunaaruteqarnissamut akornuserneqassanngilaq akornuserniarneqassanani.

*Imm. 2.* Imm. 1 naapertorlugu pillammik akiniarneqarnissamut illersuinermi matumani inuit aamma ilaapput:

- 1) Akunnermiliuttut.
- 2) Inuit pingajui pasinapiluttumik kalerriisumut attuumassuteqartut sulinermullu atatillugu pillammik akiniarneqarsinnaasut.
- 3) Suliffeqarfiit oqartussalluunniit pasinapiluttumik kalerriisup pigisai imaluunniit sulinermut atatillugu allatut sullitarisai.

*Imm. 3.* Pasinapiluttumik kalerriisoq, pasinapiluttumik kalerriisup unioqqutitsinerup § 1, imm. 1-imi ilaasup ersersinnissaa pisariaqartutut pissutissaqartuuneranik ilimagisaqarnera

piumasaralugu eqqartuussivinnut suliassanngortinneqarnissamut akerliliiniarluni nalunaaruteqarnerup avammulluunniit saqqummiinerup patsisissaqartuuneranik nalunaaruteqarsinnaatitaavoq.

### **Kapitali 3**

*Suliffimmi pasinapiluttoqarneranik kalerriisoqarsinnaatitsinerit*

*Pasinapiluttoqarneranik kalerriisoqarsinnaatitsinermik pilersitsinissamik periarfissaq*

**§ 9.** Sulisitsisut namminersortut sulisut paasissutissanik § 1, imm. 1-imut ilaasunik nalunaaruteqarfingisinnaasaannik pasinapiluttoqarneranik kalerriisoqarsinnaatitsinermik pilersitsisinnapput.

*Imm. 2.* Sulisitsisut imm. 1-imi ilaasut suliffeqarfissuarmi namminermi pasinapiluttoqarneranik kalerriisoqarsinnaatitsinermik pilersitsisinnapput.

*Imm. 3.* Namminersorlutik inuuussutissarsiuteqartuni sulisitsisut suliffigisami pasinapiluttoqarneranik kalerriisoqarsinnaatitsinermik pilersitsineq ingerlatsinerlu eqqarsaatigalugit isumalluutit avitseqatigiissutigisinnaavaat.

*Suliffimmi nalunaarutinik ingerlatitseqqinnernilu suleriaatsit*

**§ 10.** Suliffimmi pasinapiluttoqarneranik kalerriisoqarsinnaatitsineq allaganngorlugu oqaasiinnartigulluunniit taakkuluunniit marluk atorlugit nalunaaruteqarsinnaatitsisoqassaaq.

*Imm. 2.* Imm. 1 naapertorlugu oqaasiinnartigut nalunaaruteqarnissamut periarfissaqarpat, nalunaaruteqarneq pasinapiluttumik kalerriisup qinnuivigininneratigut naleqquttumik piffissaliussaqarluni naapilluni ataatsimiinnermi pisinnaassaaq.

*Pasinapiluttumik kalerriisoqarnermut immikkoortortaqarfimmik toqqaaneq*

**§ 11.** Sulisitsisoq § 9 naapertorlugu suliffigisami pasinapiluttoqarneranik kalerriisoqarsinnaatitsinermik pilersitsinissamik toqqaasoq inummik immikkoortortaqarfimmilluunniit kinaassusersiunngitsumik ukuninnga suliassaqartussamik toqqaassaaq:

- 1) Nalunaarutinik tigusisartoq pasinapiluttumik kalerriisumullu attaveqartoq
- 2) Nalunaarutinik malittarininnneq, tak. § 12, imm. 2, nr. 2.
- 3) Pasinapiluttumik kalerriisumut akissuteqartartoq, tak. § 12, imm. 2, nr. 3.

*Imm. 2.* Suliassat imm. 1-imi taaneqartut suliffeqarfissuarmi Inatsisartut inatsisaat manna malillugu suliariinninnissamik piumasaqaammik eqqortitsisussamit suliarineqarsinnaapput.

**§ 12.** Suliffimmi pasinapiluttoqarneranik kalerriisoqarsinnaatitsineq imatut ilusilersorneqassaaq pasinapiluttumik kalerriisup, inuup attuumassuteqartup inuillu pingajuata nalunaaruteqarnermi taaneqartup kinaanerata isertuunneqarnissaa akuerineqanngitsumillu tamassuminnga pissarsisoqannginnissaa qulakkeerneqarlutik.

*Imm. 2.* Sulisitsisoq § 9-mut ilaatinneqartoq pasinapiluttoqarneranik kalerriisoqarsinnaatitsinermi suleriaatsinik naleqquttunik ukuninnga qulakkeerinniffiusunik atuutilersitsissaaq:

- 1) Pasinapiluttumik kalerriisoq nalunaarutip tiguneqarneranik taassuma tiguneqarnerata kingorna ullut arfineq marluk qaangiutsinnagit uppermarsaammik tigusaqassaaq.
- 2) Nalunaarut peqqissaartumik ingerlateqqinneqassaaq.
- 3) Pasinapiluttumik kalerriisoq piaernerpaamik nalunaarutillu tiguneqarneranit qaammatinik pingasunik kingusinnerunngitsumik akissummik tigusaqassaaq, tak. nr. 1.

*Imm. 3.* Kinaaneq isertuullugu nalunaarutit suliffigisami pasinapiluttunik nalunaaruteqartarnermut immikkoortortaqarfimmi sularinissaannik pisussaatitaasoqanngilaq.

#### *Paasissutissiisussaatitaaneq*

**§ 13.** Sulisitsisup § 9 napertorlugu suliffigisami pasinapiluttoqarneranik kalerriisoqarsinnaatitsineq pilersitsinissamik toqqaasup paasissutissat uku ersarissumik paasiuminartumillu sulisuminit pissarsiarineqarsinnaatissavai:

- 1) Suliffimmi pasinapiluttoqarneranik kalerriisoqarsinnaatitsinermut nalunaaruteqarnermi suleriaaseq, tassunga ilanngullugu unioqqutitsineq suliffimmi namminermi sunniuteqartumik nalunaaruteqarnissamik kaammattuineremi, pasinapiluttumillu kalerriisoq pillammiakin iuteqartoqariaannaasoqannginneranik naliliippat.

#### *Uppermarsaasiortussaatitaaneq*

**§ 14.** Sulisitsisup § 9 naapertorlugu pasinapiluttoqarneranik kalerriisoqarsinnaatitsinermik pilersitsinissamik toqqaasup imaluunniit § 15 naapertorlugu avataani pasinapiluttoqarneranik kalerriisoqarsinnaatitsinermik pilersitsisussaatitaasup pasinapiluttoqarneranik kalerriisoqarsinnaatitsinermik pilersitsineq suleriaatsillu pillugit allaganngorlugu uppermarsaatit toqqortarissavai, tak. §§ 10-mit 20-mut.

## **Kapitali 4**

*Avataani pasinapiluttoqarneranik kalerriisoqarsinnaatitsineq*

*Avataani pasinapiluttoqarneranik kalerriisoqarsinnaatitsinermut pilersitsisussaatitaaneq*

**§ 15.** Sulisitsisut uku sulisut paasissutissanik § 1, imm. 1-imi ilaatinneqartunik nalunaaruteqarfingisinnaasaannik avataani pasinapiluttoqarneranik kalerriisoqarsinnaatitsinermik pilersitsissapput:

1) Pisortani sulisitsisut.

2) Sulisitsisut namminersortut 30-nik amerlanerusunilluunniit sulisoqartut.

*Imm. 2.* Pasinapiluttoqarneranik kalerriisoqarsinnaatitsinerit immikkoortunut aalajangersimasunut inatsisit naapertorlugit pilersinneqartut, tak. § 2.

*Imm. 3.* Naalakkersuisut sulisitsisut namminersortut 30-nit ikinnerusunik sulisoqartut imm. 1-imi taaneqartumik pasinapiluttoqarneranik kalerriisoqarsinnaatitsinerit pilersitsinissaannut malittarisassiorsinnaapput.

*Imm. 4.* Sulisitsisut namminersortut avataani pasinapiluttoqarneranik kalerriisoqarsinnaatitsinermik pilersitsineq ingerlatsinerlu eqqarsaatigalugit isumalluutinik avitseqatigiissinnaapput.

*Avataani pasinapiluttoqarneranik kalerriisoqarsinnaatitsinermut piumasaqaatit*

**§ 16.** Avataani pasinapiluttoqarneranik kalerriisoqarsinnaatitsinermut allaganngorlugu oqaasiinnartigullu nalunaaruteqartoqarsinnaassaaq pasinapiluttumik kalerriisullu qinnuivigneratigut naleqquttumik piffissaliussaqluni naapilluni ataatsimiinnermi nalunaaruteqartoqarsinnaassalluni.

*Imm. 2.* Naalakkersuisut avataani pasinapiluttoqarneranik kalerriisoqarsinnaatitsinermut § 15-imi taaneqartumut piumasaqaatit pillugit sukumiinerusunik malittarisassiorsinnaapput.

**§ 17.** Sulisitsisut § 15-imi taaneqartut suleqatigisat pingajuannik ukuninnga akisussaasussamik toqqaassapput:

- 1) Nalunaarutinik tigusineq pasinapiluttumillu kalerriisumut attaveqarneq.
- 2) Nalunaarutinik tiguneqartunik ingerlatitseqqinneq, tak. § 18, imm. 2, nr. 2.
- 3) Pasinapiluttumik kalerriisumut akissuteqarneq, tak. § 18, imm. 2, nr. 3.

*Imm. 2.* Suliffeqarfiit ingerlatseqatigiiffissuarnut ilaasut imm. 1-imi suliassat taaneqartunut, avataani suliamut peqataasunik toqqaasinnaapput.

*Imm. 3.* Naalakkersuisut imm. 2-mi atuutinnginnissaanut malittarisassiorsinnaapput.

*Avataanut nalunaaruteqarnermi ingerlatitseqqinnermilu suleriaatsit*

**§ 18.** Avataani pasinapiluttoqarneranik kalerriisoqarsinnaatitsineq imatut ilusilersorneqassaaq paasissutissat tamakkiisununissaat, innarligassaannginneq isertuussinerlu inuillu akuerisaanngitsut taakkuninnga pissarsisinnaannginnissaat qulakkeerneqarlutik.

*Imm. 2.* Avataani pasinapiluttoqarneranik kalerriisoqarsinnaatitsinermi ukuninnga qulakkeerinnittussanik suleriaatsinik naleqquttunik atuutilersitsisoqassaaq:

1) Pasinapiluttumik kalerriisoq, taanna allatut ersarissumik qinnuiviginissimanngippat imaluunniit nalunaarummik uppermarsaanermi pasinapiluttumik kalerriisup kinaanerata illersugaanera navianartorsiortinnejassappat nalunaarummik tigusaqarnerup kingorna qaammatisiutit malillugit ullut arfineq marluk qaangiutsinnagit nalunaarut pillugu uppermarsaammik tigusaqassaaq.

2) Nalunaarummik peqqissaartumik ingerlatitseqqiisoqassaaq.

3) Pasinapiluttumik kalerriisoq tigusaqarnermik uppermarsaaneq qaammatit 3-t qaangiutsinnagit imaluunniit pisuni tunngavilersorluakkani qaammatit 6-ini, akissummik tigusaqassaaq.

4) Pasinapiluttumik kalerriisoq nr. 3 malillugu akissuteqarnermut atatillugu taamatut nalunaarfingeqarsimanngippat, nalunaaruteqarnerup kinguneranik misissuinerup inaarutaasumik inernera pillugu nalunaarummik tigusaqassaaq.

5) Pasinapiluttumik kalerriisoq paasissutissat ingerlateqqinnejarnissaat sioqqullugu nalunaarummik tunngavilersukkamik tigusaqassaaq, tak. § 25 imm. 4.

*Imm. 3.* Avataani pasinapiluttoqarneranik kalerriisoqarsinnaatitsineq nalunaarutinik Inatsisartut inatsisaata atuuffianut, tak. § 1, imm. 1, ilaannngitsunik itigartitsisoqarsinnaavoq, taakkulu oqartussanut allanut ingerlateqqinnejarnissaannik pisussaaffeqartoqanngilaq.

*Paasissutissiisussaatitaaneq*

**§ 19.** Sulisitsisoq § 15-imii ilaatinneqartoq avataani pasinapiluttoqarneranik kalerriisoqarsinnaatitsinermut nalunaaruteqarnermi suleriaaseq pillugu sulisuminut erseqqarissumik paasinartumillu paasissutissiisaaq.

*Suliap naammassineqarnera*

**§ 20.** Avataani pasinapiluttoqarneranik kalerriisoqarsinnaatitsinermi nalunaarutinik suliarineqarnermi imatut pisoqarnerani naammassineqarneranik aalajangiisoqarsinnaavoq:

1) unioqqutitsinerit pillugit paasissutissat ersarissumik mianernannginnerusunik imaqpata ingerlatitseqqinnissarlu pisariaqanngippat, imaluunniit  
2) inatsisit tunngavigalugit pissutsit pissusiviilluunniit allatut ingerlatitseqqinnissamik tunngavissaqartitsingippata, siusinnerusukkut nalunaarutip suliarineqarnera

naammassereerneqarsimasumut tunngatillugu unioqqutitsineq pillugu paasissutissanik pingaaruteqartunik nutaanik imaqanngippat.

*Imm. 2. Imm. 1 malillugu aalajangiinerit allaffisornermi oqartussamut suliareqqitassanngortinnejarsinnaanngillat.*

## Kapitali 5

*Suliffimmi avataanilu pasinapiluttoqarneranik kalerriisoqarsinnaatitsinermi sorianik sularinninnermi malittarisassat*

**§ 21.** Nalunaarutit pasinapiluttoqarneranik kalerriisoqarsinnaatitsineq Inatsisartut inatsisaat manna naapertorlugu pilersinneqartumi, nalunaarutit sularinissaannut pisariaqaraangat inuit pilligit paasissutissat sularineqarsinnaapput.

*Suliffimmi avataanilu pasinapiluttoqarneranik kalerriisoqarsinnaatitsinermi nalunaarsuinermut il.il. ataatsimut malittarisassat*

**§ 22.** Nalunaarutit tiguneqartut nalunaarsorneqassapput. Nalunaarsuineq nipangiussimasussaatitaaneq § 24-mi aalajangersarneqartoq naapertorlugu pissaaq.

*Imm. 2. Inatsit manna naapertorlugu nalunaarutit taamaallaat pisariaqartillugu inatsillu malillugu piumasaqaatit eqqortinnissaannut pisariaqaraangat pissutsinullu naleqqiullugu sivisussusilimmik toqqortarineqarsinnaapput.*

**§ 23.** Oqaasiinnartigut nalunaarutit pasinapiluttumik kalerriisup akuersinerata kingorna oqaloqatigiinnerit ataatsimiinneriluunniit immiunnerisigut imaluunniit ataatsimiinnermit oqaloqatigiinnermillu pasinapiluttumik kalerriisup misissussallugit, naqqissallugit periarfissaqarfigisaanik eqqortumik takutitsisumik imaqarniliornikkut imaqarniliarlu atsiorlugu akuersineratigut, uppermarsarneqassapput.

*Imm. 2. Digitalinngorlugu attaveqaatini oqaasiinnartigut nalunaarutit aamma oqaloqatigiinnermit eqqortumik takutitsisumik pasinapiluttumik kalerriisup misissussallugu, naqqissallugu periarfissaqarnissaanik allakkiornikkut allakkpiarlu atsiorlugu akuersineratigut uppermarsarneqassapput.*

*Nipangiussimasussaatitaaneq*

**§ 24.** Nalunaarutinik tigisisussatut nangitseqqiisussatullu toqqarneqartoq, tak. § 11 imaluunniit § 17, paasissutissat tassani allaqqasut eqqarsaatigalugit nipangiussimasussaatitaavoq.

*Imm. 2.* Imm. 1-imi nipangiussimasussaatitaaneq taamatuttaaq inunnut § 25 malillugu ingerlatitseqqiinikkut imm. 1-imi paasissutissanik ilisimasaqalersunut atuuppoq.

*Imm. 3.* Imm. 1-imi nipangiussimasussaatitaaneq taamatuttaaq suliffeqarfinni pisortaniluunniit sulisunut akuerineqanngitsunut avataani pasinapiluttoqarneranik kalerriisoqarsinnaatitsinermik ingerlatsisunut, tak. § 15, paasissutissanik imm. 1-imi taaneqartunik siunertarineqanngitsumik ilisimasaqalersunut atuuppoq.

### *Ingerlatitseqqiineq*

**§ 25.** Pasinapiluttumik kalerriisup kinaanera pillugu paasissutissat taakkunani pasinapiluttumik kalerriisup kinaanera toqqaannartumik toqqaannanngitsumillu paasineqarsinnaalluni, sulisut nalunaarutinik tigusisinnaatitaasutut ingerlateqqiisinjaasutullu akuerineqartut, tak. § 11, imm. 1 aamma § 17, saniatigut pasinapiluttumik kalerriisoq ersarissumik akuersisimatinnagu allanut ingerlateqqinnejassanngillat.

*Imm. 2.* Paasissutissat imm. 1-imi ilaasut, tak. § 1, imm. 1, aatsaat unioqqutitsineq iliuuseqarfiginiarlugu imaluunniit inuit akuusut imminnut illersorsinnaatitaanerisa qulakkeernissa siunertaralugu pippat, pasinapiluttumik kalerriisoq akuersippat pisortani oqartussanut allanut ingerlateqqinnejassapput.

*Imm. 3.* Paasissutissat allat imm. 1-imi nalunaaruteqarnermi taaneqanngitsut allanut, § 11, imm. 1, aamma § 17 naapertorlugit, nalunaarutinik tigusinissamut aamma malitseqartitsinissamut toqqagaanngitsunut, § 1, imm. 1 naapertorlugu nalunaarummik malitseqartitsinertut imaluunniit unioqqutitsinermik pinaveersaartitsinertut, ingerlatitseqqinnejassapput.

*Imm. 4.* Nalunaaruteqarnermi misissuinerit eqqartuussivimmiluunniit suliad suliamut attuumassuteqartut navianartorsiortinnejanaqippata imm. 2 malillugu ingerlatitseqqiinnginnermi pasinapiluttumik kalerriisoq nalunaarfigineqassaaq.

*Imm. 5.* Pisortat ingerlatsineranni suliassat suliarineqartarnerat pillugu inatsimmi peqataasup suliassamut tunngasunik ilisimasaqarnera, peqataasup isumaanik tusarniaaneq tunngavilersuinerlu pillugit kapitalit 4-mit 6-imut paasissutissanut imm. 1-imi taaneqartunut atuutinngillat.

**§ 26.** Naalakkersuisut paasissutissat suliamut attuumassuteqartut tamaasa nalunaarutinik tigusisussatut ingerlatitseqqinnissamilu toqqarneqartunit, tak. § 11 aamma § 17, naatsorsueqqissaarnerit suliarinerannut atugassatut pissarsiarisinjaavai.

*Imm. 2.* Naalakkersuisut malitassamik nalunaarusiornermut atorneqarsinnaasumik aalajangersaassapput.

*Suliffimmi avataanilu pasinapiluttoqarneranik kalerriisoqarsinnaatitsinermi piffissaq  
suliariinniffik pillugu maalaarut*

**§ 27.** §§ 12 aamma 18-imi piffissaliussanik qaangiineq Naalakkersuisumut, Naalakkersuisut Siulittaasuata naammagittaalliorermik suliarinninnissamut akisussaaffiligaanut, maalaarutigineqarsinnaavoq.

*Imm. 2.* Naalakkersuisoq suliassaqarfimmut akisussaasoq isumaqarpat qaangiinermut taamaallaat suliap suuneneranik imarisaanillu pissuteqartoq, Naalakkersuisoq suliassaqarfimmut akisussaasoq allamik avataanilu pingajuusumik suliap suliarineqarneranut akisussaasussamik toqqaasinnaavoq. Suliap suliarineranut aningaasartuutit sulisitsisup akilissavai. Sulisitsisoq akiliisnarnermik unitsitsinikuuppat allanilluunniit pissuteqarluni aningaasartuutit akilersinnaanngippagit, taakku Nunatta Karsianit akilerneqassapput.

## Kapitali 6

*Taartisiat, uppernarsaatinik naliliineq pineqaatissiinerlu*

**§ 28.** Pasinapiluttumik kalerriisut imaluunniit inuk aamma inatsisitigut pisinnaatitaasoq § 8, imm. 2-mi ilaatinneqartoq, nalunaaruteqarnerup kinguneranik pillaatitut akiniarneqartoq imaluunniit § 8, imm. 1 naapertorlugu nalunaaruteqarnissamut akornuserneqartoq, akornuserniarneqartorluunniit sulisitsisumit taarsiivigineqarnissamik piumasaqaateqarsinnaavoq. Taartisiassap annertussusia Kalaallit Nunaanni suliffeqarnermi atugassaritinneqartut isigalugit aalajangerneqassaaq.

*Imm. 2.* Sulisoq § 8, imm. 1-imut akerliusumik soraarsinneqarpat, soraarsitsineq, sulisullu atorfimminiiqinnassanerluni sulileqqissalluniluunniit kissaatigippagu, atorunnaarsinnejassaaq. Tamannali immikkut pisuni aamma illuatungeriit soqutigisaannik naliliinerup kingorna atorfegaannarnissap atorfineqqinnissalluunniit piumasarinissaaleqqutinngitsuusorinarpatalututinngilaq.

*Imm. 3.* Pasinapiluttumik kalerriisoq unioqqutitsinerit, tak. § 7, imm. 2, pillugit uppernarsaatinik pissarsinerup imaluunniit paassisutissanut uppernarsaatissanik pissarsiniarnerup kinguneranik pillaatitut akiniarneqartoq taartisiaqarnissamik piumasaqaateqarsinnaavoq. Taartisiap annertussusia Kalaallit Nunaanni suliffeqarnermi atugassaritinneqartut isigalugit aalajangerneqassaaq.

**§ 29.** Pasinapiluttumik kalerriisup Inatsisartut inatsisaat manna malillugu nalunaaruteqarnermi tamanulluunniit saqqummiussinermi ajoquissarsisimalluni uppernarsarpagu illuatungerisap ajoquuteqalerneq nalunaaruteqarnerup kinguneranik pillaammik akiniutaanngitsoq uppernarsassavaa.

*Imm. 2. Imm. 1 taamatuttaaq inunnut aamma inatsisitigut pisinnaatitaasunut § 8, imm. 2-mi ilaatinneqartunut suliamut attuumassuteqartillugu atuuppoq.*

**§ 30.** Kalaallit Nunaannut pinerluttulerineq pillugu inatsit malillugu pillaammik akiliisitsinikkut pineqaatissinneqarsinnaavoq:

- 1) § 24-mik piaaraluni mianersuaalliorujussuarluniluunniit unioqqutitsisoq, imaluunniit,
- 2) piaaraluni paassisutissanik eqqunngitsunik nalunaarutiginnitoq tamanulluunniit saqqummiisoq.

*Imm. 2. Sulisitsisoq, tak. §§ 9 imaluunniit 15, sulisitsisup kapitalit 3, 4 aamma 5 malillugit pisussaaffimminik eqqortitsinngitsoq Kalaallit Nunaannut pinerluttulerineq pillugu inatsit malillugu pillaammik akiliisitsinikkut pineqaatissinneqarsinnaavoq.*

*Imm. 3. Ingerlatseqatigiiffit il.il. (inatsisitigut pisinnaatitaasut) pinerluttulerineq pillugu Kalaallit Nunaannut inatsimmi kapitali 5 malillugu pinerlussimasutut akisussaatinneqarsinnaapput.*

*Imm. 4. Pillaammik akiliutit arsaarinnissutilluunniit, imm. 1,2 imaluunniit 3 malillugit aalajangerneqartut, Nunap Karsianut akilerneqassapput.*

## Kapitali 7

*Atuutilersitsinermut ikaarsaariarnermullu aalajangersakkat*

**§ 32.** Inatsisartut inatsisaat 1. juli 2024-mi atuutilissaaq.

*Imm. 2. Inatsisartut inatsisaat inatsisip atuutilersinneqarnera sioqqullugu pisunut atuuppoq.*

*Imm. 3. Kapitali 4 sulisitsisunut namminersortunut 100-t tikillugit sulisulinnut 1. januar 2025-mit aatsaat atuutilissaaq.*

*Namminersorlutik Oqartussat, ulloq xx. Xx 2023*

**Múte Bourup Egede**  
Naalakkersuisut siulittaasuut